

敕修兩浙海塘通志

天下利害之數水居六七

河與海尤鉅治河者或疏或
淪恒多其方以圖之海則惟
恃隄捍之一法一失其防雖
有李冰之神勇鄭國之精
能束手而無所用此海之所

以獨重於塘也浙之東負海
而居者為郡有六曰杭州曰
嘉興曰紹興曰寧波曰溫州曰
台州皆賴一錢之塘以為保
障而杭州之仁和海寧嘉興
之海鹽平湖諸邑直海之北

岸全勢所趨潮汐衝齧颶
風時作險要倍於他所自唐
宋迄明代有規畫國家定鼎
百餘年來

聖聖相承謨猷廣遠易土
塘為石塘更民修為官脩

鉅工疊舉立制綦詳我

皇上御極之初

軫念海疆勤求民瘼大發司

農錢修建新舊兩塘為一勞

永逸計輿情踴躍鼙鼓弗勝

海若百靈奔走率職抗嘉詔

數百里長堤屹如砥柱而中
小壘一夕開通輸委順利不
啻若尾閼沃焦焉魏、乎

聖德神功百世未嘗有也余
承乏浙撫屬當底寧念此非
常之原不可不垂竹帛而示

來許因以編輯海塘通志
上請既報可遂與諸僚案延
訪通儒蒐羅掌故提綱標目
規模畧備尋奉

恩命急喪北行以其事屬中
丞永公歲辛未書既成永公

寄余一帙俾序簡端余愛而
讀之凡

列聖之訏謨累朝之沿革形
勢之遷變工程之除夷與夫
經費所出物料所資職守所
存祀典所秩田不燻若列眉

瞭如指掌洵可為經國之要
典備來者之參稽矣夫志水
之書自史遷河渠班固溝洫
以至桑欽鄒道元之所撰述
益博綜蕪採詳於源流典故
而畧於制度規為迨元葉恒

明黃光昇仇俊卿諸人海隄
始有專錄然止記一時補苴
之術未及百年經久之計是
不獨治水之為難而勒成一
書垂法後世之為尤難也今
如海塘一志成法井然要領

具在官斯土者但恪守

累朝之

聖訓謹防維勤補葺將萬

載安瀾之慶展卷求之有餘

矣抑余親行海上見夫銀濤

雪浪犇注於文堂禪榻兩山

之麓而北岬之河莊山疇昔
宛在水中者今且輿馬可至
其下沮洳斥鹵之區行變而
為膏壤蓋自中小魯暢然無
梗而江流海潮日益南注仁寧
一帶之塘殆若虛設焉雜然

前事者後事之師也繼自今
其益求苞桑之因而無忌撻
菑土石之勞哉

乾隆辛未仲夏之月太子
少保總督直隸等處地方
軍務兼理糧餉河道都察

院者都御史前浙江巡撫
桐城方觀承謹序

勅修兩浙海塘通志

凡例

一海塘有志由來舊矣然皆防海而非隄海惟元葉
恒所撰海隄錄明黃光昇仇俊卿所著海塘錄專
志海塘而又止詳餘姚海鹽一邑之塘未嘗概及
通省茲志凡兩浙有塘州縣小則修葺大則建築
無不備載至防海機宜事關戎政概不攔入

上諭恭載首卷尊

王言也至臣下章奏則依綱目體例入本條之下或事
隔歲時而後始舉行或先經集議而繼有更易總
載則月日不符列序則事難條貫總其本末仍係
以年月此亦先經始事後經終義之意云爾

一圖以象形說以紀事浙省濱海六府各有分圖而
以全省總圖列於前者綜其形勢斯瞭如指掌也
第全圖分南北兩岸南岸自紹郡至寧郡地勢已
轉而東自是而台而溫則又自東北而漸向西南
限於邊幅勢難總繪今將南北塘分爲四頁俾地

勢旋轉亦列詳明四頁彙觀仍可得其全局庶不至詳於四郡畧於溫台耳

一歷代海塘杭嘉寧紹溫台六郡皆有興築故分府登載我

朝百餘年來惟杭嘉紹三郡屢有修建寧郡工作已屬無多溫台二郡更慶安瀾修築工程不少概見故浙江通志於

本朝海塘即改用編年今仍其例

一修築海塘歷來皆隨坍隨修至康熙五十七年撫

臣朱軾奏請逐年將修築工段用過帑金據實報

銷而歲修之名肇此矣雍正六年督臣李衛奏請

將一時驟決不可緩待之工先行搶築隨後奏聞而搶修之名又於是始至零星補葺難以瑣載然事關帑藏又無敢疎漏視工程之大小定紀載之詳畧每歲歲終則另立單行小字一條書是年歲搶修用過銀若干兩以便彙覽事既不煩而帑費亦不爽銖黍矣

一工之夷險視塘之形勢浙省杭嘉紹三郡長江之

水順流而下海潮逆江而上三郡獨受其衝至寧波溫台既非江海交匯又皆有山麓綿亘雖均屬海疆而工程稍簡事鉅則所載繁工小則所載畧理勢使然非記載之有詳畧也

一頻年興築或用條石或用塊石椿之圓圍或尺五或尺四物料不同價值亦異難以備載惟一百餘里之土備塘一萬四千餘丈之魚鱗大石塘爲千古未有之鉅工焚砌有程式物料按尺度不爲詳悉開載無可稽考餘如木櫃坦水爲修塘之所必

需草壩盤頭亦一時權宜之用故並及之

一通省政務督撫藩臬無所不統糧驛驛傳各有職
司獨海塘舊無專員自雍正十三年設立海防兵
備副使道凡有塘州縣咸令統轄從此先事預防
臨時搶堵一線長堤永無潰決之患則專員之設
所關大矣志職官不列督撫司道止載

欽差大臣及督撫之加總理總統銜者至兵備道以下
文武員弁則無不備志志所專也

一場窳坍漲事隸驛政與海塘無涉然沙有坍塌則

塘即汕刷鹽能旺產則塘必鞏固事不相關而利害隨之故志海塘者不能不兼及也

一祠廟非海神雖名藍上刹近在海塘亦不入藝文無確見雖鴻文鉅製膾炙人口亦不入兵可百年不用不可一日不備

國家防海之兵星羅棋布寧波稱重鎮乍浦設駐防今皆不入而祇載兵備道標之兵寧簡毋繁寧嚴毋濫務爲覈實以備博稽斯志之大旨如此

一前代章奏志乘失傳遇有名賢記載詳悉本末足

爲典據者即引入本條之下至我

朝工無大小皆經題報章奏詳明則載章奏部覆周密則登部覆餘如地方紳士間有記聞承修工員不無錄述果能洞悉機宜有禪塘務則纂入藝文以備採擇

一浙省江海本相連屬海潮泛溢則汀岸亦致傾欹江水汪洋則海塘亦遭潑却此志海塘者不得不附志江塘也然歷來修築專及江塘者少江海塘並題者多章奏部覆勢雖分裂旣於彼門詳載則

此卷江塘止記修砌月日及工程丈尺庶無遺漏亦不至有重見疊出之弊三江閘爲紹郡衆水入海之口閘在海塘三江由此匯流故亦附志簡末一是志自乾隆十四年四月奉到部文設局編纂至十五年四月告竣其十四年以後之事概未登載

勅修兩浙海塘通志

纂修職名

總裁

太子少保兵部尚書兼都察院右副都御史總督閩浙等處地方軍務兼理糧餉加二級

臣喀爾吉善

巡撫浙江等處地方提督軍務兼理糧餉兼都察院右副都御史兼陞直隸總督加三級

臣方觀承

方提督軍務兼理糧餉兼都察院右副都御史加二級

臣永貴

督修

浙江等處承宣布政使司布政使今陞江蘇巡撫加一級

臣王師

浙江等處提刑按察使司按察使加三級

臣葉存仁

監修

兩浙江南等處鹽法都轉鹽運使司兼管驛道今陞四川按察使司按察使加三級臣郭敏

浙江等處督理通省糧儲漕務道布政使司叅議加四級臣常德

分巡浙江杭嘉湖道等處地方按察使司副使加一級臣德福

分巡浙江金衢嚴道等處地方按察使司副使加二級臣鄭基

總理

浙江海防兵備道按察使司副使加一級紀錄十七次臣陳樹著

分理

杭州府知府今調福建漳州府知府加一級臣魏寧

杭州府 加一級 臣杜甲

東海防同知 加一級 臣葉齊

西海防同知 加一級 臣張鏗

乍浦 鹽 防 同知 臣宗緒

署理草塘通判 各補寧絲鹽運副使 加一級 臣劉祖佑

草塘 通判 臣項喻

紹興府 海防 通判 臣黃鳳

提調

海寧縣 知縣 加一級 臣劉守成

總修

原任翰林院編修臣查祥

原任翰林院編修臣杭世駿

分修

原任兵部主事臣周雷

原任人臣查虞昌

監生臣韓維

繪圖

浙江海防兵備道按察使海鹽汛千總臣朱山

校對

生

員

臣吳建

監

生

臣張光世

生

員

臣丁健

生

員

臣陳廷玉

全

員

員 利氏汪

全

員

員 丁 勤

全

全

全 斯夫也

全

員

員 吳 勤

林
謹

勅修兩浙海塘通志

總目

首卷

詔諭

卷一

圖說

卷二

列代興修上

卷三

列代興修 下

卷四

本朝建築 一

卷五

本朝建築 二

卷六

本朝建築 三

卷七

本朝建築 四

卷八

工程

卷九

物料

卷十

坍漲上
附陞除

卷十一

坍漲下
附陞除

卷十二

東...
場竈

卷十三

職官

卷十四

潮汐

卷十五

祠廟
上

卷十六

祠廟
下

卷十七

兵制
附關隘

卷十八

江塘

卷十九

藝文
上

卷二十

藝文
下

藝文

下

卷二十

藝文

上

卷十九

玉璽

卷十八

兵部

刑部

卷十七

勅修兩浙海塘通志

首卷

詔諭

世宗憲皇帝

雍正元年九月十七日王大臣等欽奉

上諭錢鏐時所築塘堤中間雖被冲壞至今尚有存者數年來督撫等所修塘堤俱虛冒錢糧於不當修築處修築以致隨修隨壞又聞得赭山有三處海口今一處淤沙壅塞水不通流若濬治疏通使潮汐不致留沙壅塞

則海寧一帶塘工方可保固有言之者雖未必稔知不可不留意或地方大臣恐糜費錢糧將此等處雖明知而不顧也爾等傳諭該督撫知之欽此

雍正二年七月海寧鄞縣慈谿鎮海象山山陰會稽餘姚等縣海塘被潮冲決欽奉

上諭及時修築動正項錢糧作速興工沿海失業居民藉此傭役日得工價以資糊口欽此

雍正二年八月十五日欽奉

上諭朕思天地之間惟此五行之理人得之以生全物得

之以長養而主宰五行者不外夫陰陽陰陽者即鬼神
之謂也孔子言鬼神之德體物而不可遺豈神道設教
哉蓋以鬼神之事即天地之理故不可以偶忽也凡小
而邱陵大而川嶽莫不有神焉主之故當敬信而尊事
况海爲四瀆之歸宿乎使以爲不足敬則堯舜之君何
以柴望秩於山川文武之君何以懷柔百神及河喬嶽
今愚民昧於此理往往信淫祀而不信神明傲慢褻瀆
致干天譴夫善人多而不善之人少則天降之福即稍
有不善者亦蒙其庇不善人多而善人少則天降之罰

雖善者亦被其殃近者江南報上海崇明諸處海水泛
溢浙江又報海寧海鹽平湖會稽等處海水沖決隄防
致傷田禾朕痛切民隱憂心孔殷水患雖關乎數或亦
由近海居民平日享安瀾之福絕不念神明庇護之力
傲慢褻瀆者有之夫敬神固理所當然而趨福避禍之
道即在乎此能敬則謂之順天不敬則謂之褻天褻天
之人顧可望綏寧之福乎詩曰敬天之怒無敢戲豫又
曰畏天之威于時保之朕固當朝乾夕惕不遑寧處以
敬承天意亦願爾百姓共凜此言內盡其心外盡其禮

敬神如神在實以至誠昭事而不徒尚乎虛文人意即
神意一念之感格自足以致休祥豈獨一家一鄉之被
其澤哉爾百姓果能人人心存敬畏必獲永慶安瀾着
該督撫將此諭旨令該地方官家諭戶曉俾沿海居民
一體知悉特諭

雍正二年八月二十四日戶部欽奉

上諭前因浙江督撫等摺奏七月十八十九等日驟雨大
風海潮泛溢衝決隄岸沿海州縣近海村莊居民田廬
多被漂沒朕即密諭速行具本奏聞賑恤但思被災小

民望賑孔迫若待奏請方行賑恤恐時日耽延災民不能即沾實惠朕心深為憫惻着該督撫委遣大員踏勘被災小民即動倉庫錢糧速行賑濟務使災黎不致失所其應免錢糧田畝即詳細察明請蠲凡海潮未至之村莊不得混行冒蠲至於緊要隄岸衝決之處務使速行修築無使鹹水流入田畝朕念切痾瘼務令早沾實惠該地方官各宜實心奉行加意撫綏俾凋瘵得蘇生全速遂以副朕勤恤民隱至意該部即行各該督撫遵奉速行特諭

雍正二年九月二十二日欽奉

上諭湖廣總督楊宗仁江西巡撫裴率度今歲各省秋成

大有惟浙江江南沿海地方七月十八九等日海潮泛
溢近海田禾不無損壞朕軫念災黎惟恐失所業經嚴
飭兩省督撫發倉賑濟多方撫恤但杭嘉蘇松等府人
稠地狹向來出米無多雖豐年亦仰給於湖廣江西等
省今沿海被災恐將來米價騰貴小民艱食湖廣江西
地近上流今歲豐收爾可速動司庫銀兩湖廣買米十
萬石江西買米六萬石選委廉幹賢員陸續押送浙江

交浙江巡撫平糶所糶之銀仍移還補庫其米應於何處交卸爾即咨會浙江巡撫酌議速行務於浙民有益毋得怠緩遲悞特諭

雍正二年十月二十六日欽奉

上諭江浙兩省沿海地方於七月十八十九兩日同時皆被潮患漂沒居民廬舍雖經頒旨加意賑卹然朕憫惻之心至今尚未能釋惟有朝夕警惕以答

大意但海爲衆水所歸無不容納今乃狂潮泛溢水不循軌或者海洋潛藏匪類亦未可定稽諸前事往往有之

沿海各省督撫提鎮務須實心愛養小民整理營伍閭閻名安其業汛防有備無虞毋令海洋別生事端庶不負朕委任之意特諭

雍正二年十二月初四日吏部尚書朱軾面奉

上諭浙江沿海塘工最爲緊要署巡撫石文焯前奏必須通用石塊修築後又奏稱不必用石如此全無定見誠恐貽悞塘工朕已批諭令法海修吉圖作速詳議具奏矣但恐法海等初任不諳練地方情形汝做過浙江巡撫必知海塘緣由着汝馳驛前往浙江將作何修築之

處會同法海佟吉圖詳查定議交與法海修築汝即回
京朕思海塘關係民生必須一勞永逸務要工程堅固
不得吝惜錢糧江南海塘亦爲緊要汝浙江事竣即至
蘇州會同何天培鄂爾泰將查勘蘇松塘工如何修築
之處亦定議具奏欽此

雍正三年十一月署浙江巡撫傅敏因紹興府知
府特晉德於條石塘內填用亂石飭令改築據實
題奏奉

旨據奏紹興府海塘工程原議皆用條石後以條石不易

購致限期已迫遂用條石托外亂石填中今恐日後坍塌仍改用條石請寬限期等語海塘工程關民生最爲緊要必須一勞永逸若因條石一時難以購致從前便當聲明緣由奏請展限何得草率從事和順係隆科多結納私人特晉德曾經隆科多在朕前薦舉此必特晉德受隆科多之囑託照看和順是以聽其苟且塞責傳敏不早行查奏亦屬徇情着交與新任巡撫李衛悉心查勘指示更改修理務期永遠堅固張楷在江南修理工塘工用木椿密釘似爲有益可否做行並令李衛酌量

該部知道欽此

雍正七年八月二十三日欽奉

上諭朕惟古聖人之制祭祀也凡山川嶽瀆之神有功德於生民能爲之禦災捍患者皆載在祀典蓋所以薦歆昭格崇德報功而并以動斯人敬畏祇肅之心使之毋敢慢易而爲非也雍正二年浙江海塘潮水冲決朕特發帑金命大臣察勘修築并念居民平日不知敬畏明神多有褻慢切諭以虔誠修省之道令地方官家喻戶曉警覺衆庶比年以來塘工完整災沴不作居民安業

已默叨

神佑矣今年潮汛盛長幾至泛溢官民震恐幸而水勢漸退隄防無恙此皆

神明默垂護佑惠我蒸民者也茲特發內帑十萬兩於海寧縣地方勅建海神之廟以崇報享着該督遴委賢員度地鳩工敬謹修建務期制度恢宏規模壯麗崇奉祀事用答

明神庇民禦患之休烈且令遠近人民奔走瞻仰興起感動庶莫不盡消其慢易之私而益振其恪恭之志相與

服教畏神遷善改過永荷庥祥則於國家事神治人之
道庶有賴焉其一應事宜着該督等詳悉定議具奏特
諭

雍正十年總督程元章奏查勘海塘情形事奉

大學士鄂爾泰張廷玉朱軾會同總督李衛尹繼善詳
議具奏欽此十一年正月大學士鄂爾泰等遵

旨議奏請

欽簡大臣前往詳細查勘再行定議奉

旨依議着內大臣海望總督李衛馳驛前往浙江會同總

督程元章將海塘工程通盤相度形勢籌畫事宜應作何修築以垂久遠之處詳細查勘悉心定議具奏其修築工程着大理寺卿汪滌原任內閣學士張坦麟前往承辦仍照舊令程元章總統料理張坦麟即於本籍前往直隸總督印務着署刑部尚書唐執玉暫行署理營田觀察使顧琮協辦欽此

雍正十一年正月內大臣海望總督李衛等

陛辭赴浙查勘海塘面奉

諭旨爾等到浙詳細踏勘如果工程永固可保民生即

金千萬不必惜費欽此

雍正十一年三月內大臣海望等奏請於尖塔兩山之間建立石壩以堵水勢又請漸次改建大石塘等因四月初一日欽奉

旨此所議俱屬妥協着交部照所奏行朕思尖塔兩山之間建立石壩以堵水勢似類挑水壩之意所見固是若再於中小壘開挖引河一道分江流入海以減水勢似更有益從前雖經開挖旋復壅塞者皆因惜費省工之故今若倍加工力開挖而工並舉更覺妥備石壩建後

即有漲沙而石塘亦當漸次改建以爲永久之利其開
挖引河之處着程元章會同汪濇張坦麟等相度地勢
酌量辦理該部知道

雍正十一年十二月二十三日欽奉

上諭朕因浙省海塘關係緊要是以特命大臣前往會同
該督等相度形勢定議興修又恐在工人員或怠緩稽
遲不能即時建築特令將軍阿里衮副都統隆昇會同
該督等督催辦理近聞堵塞尖山開挑引河已經該督
等查勘數次尚欲再看再商但以行文閩省調取善水

之人試探爲辭議論紛紜終無定議全不思海水潮汐
有時若遲至潮水長盛之時如何施工且採辦石料又
互相推諉舍近求遠致稽時日該督等既不努力辦公
而阿里衮隆昇亦俱袖手旁觀不上緊催辦若各工內
實有難以施工應奏聞請旨之事亦應及早奏明何得
半年以來尚無頭緒着傳諭程元章阿里衮隆昇張坦
麟汪滢穆克登額等速將各項工程及時修築毋得仍
前怠忽欽此

雍正十二年二月浙江總督程元章奏稱尖塔兩

山之間難以築壩中小壘難以開挖奉

旨大學士鄂爾泰會同海望閱看欽此隨經大學士鄂等
議駁覆奏奉

旨依議浙省海塘關係重大固須詳慎尤戒遲疑若總理
者不肯擔承將分任者愈多瞻顧則因循草率迄無遠
圖其何以謀奠安而垂永久看程元章毫無確見今將
海塘一應工程着隆昇總理令偏武前往協辦所需文
武官員俱聽揀調其運辦物料預備人夫及給發錢糧
等項仍着程元章料理應付毋得推諉毋得稽遲欽此

雍正十二年五月總理海塘副都統隆昇恭報兩
河工竣奉

旨覽奏深爲嘉悅但觀圖畫情形恐復淤向後可將暢
流疏刷深廣情形不時訪問隨便奏聞欽此

雍正十二年十月總理海塘副都統隆昇等摺請
增添堵塞尖山水口工料奉

旨覽不可惜費只貴工成

雍正十二年十二月二十九日欽奉

上諭朕聞浙江海塘工程現在修理尖山已堵築三分之

一人心甚是踊躍但尖山夫役每日給工銀三分六釐稍覺不足今當初春之月水淺潮平正趨築工程之候着照引河挑夫之例每日加銀一分四釐六毫今運送多資人力每方增銀六分俾夫役等工食寬裕努力修築早告成功以慰朕念欽此

雍正十三年七月初八日欽奉

上諭朕聞浙省海塘於本年六月初二日風潮偶作冲決之處甚多朕心深爲軫念已降旨詢問緣由並令速行搶修以防秋汛至於催募人夫採辦物料務須公平給

價聽從民便俾閭閻踊躍從事不得涉於勉強或繩以
官法刑驅勢迫擾累地方致辜朕愛養生至意欽此
雍正十三年七月十一日欽奉

上諭前聞浙省海塘於本年六月初二日風潮偶作衝決
之處甚多朕心甚爲軫念已降旨詢問情由並令速行
搶修以防秋汛今朕訪聞得今歲風潮不過風大水涌
並非昔年海嘯可比且爲時不久未有連日震撼衝汕
情形若平日隨時補苴防護謹密自不致潰決如此之
多總因數年來經理官員將舊日工程視同膜外並不

隨時修補且將原題住其在於歲修之內報銷之工不許修築以致根脚空虛處處危險不能捍禦風浪又海防兵備道乃特設專司之員責任綦重從前隆昇程元章等請將同知成貴題補朕因其平日不曾經歷河工誠恐未必勝任且陞用太驟是以姑令署理試看今聞伊於工程並未諳練兼之患瘧經年不能辦事東塘同知張偉爲人軟弱安坐海寧西塘同知李飛鯤存心狡獪日在省城奔競俱非實心任事之員而隆昇與程元章等意見又不相同汪隆張坦麟但知隨聲附和顧

國家公事前因虐使民夫尅減工料經朕降旨申飭畧
知收斂然每石萬觔尚折減六七折不等欲符原估六
萬兩之數一任宕匠包賠逃亡悞工平時更事廢弛若
此何以抵禦狂瀾况朕不惜數百萬帑在茲以保全一
方民生而各官懷挾私意不知爲國爲民宜乎

上天垂象以示儆也兵備道係緊要之員必或貴患病溺
職如此隆昇程元章汪滢張坦麟紉望無辦所司無事
郝玉麟旣在浙江豈無見聞何以但不不奏著伊等白
回奏兵備道員缺即着伊等白

今秋汛正大搶修保護最爲急務一切事宜俱交與隆昇程元章汪滌張坦麟等悉心料理倘仍蹈前轍再有疎虞致傷田廬民命必將伊等從重治罪不稍寬貸郝玉麟既不據實奏聞亦不能置身事外至於催募人夫採辦物料務須公平給值聽從民便俾閭閻踊躍從事不得涉於勉強或繩以官法刑驅勢迫擾累地方致辜朕愛養民生之至意特諭

雍正十三年七月十五日欽奉

上諭浙江海塘工程原在平日隨時補苴防護謹密始可

禦猝然之風浪乃近年以來經理官員將舊日工程以爲非已身經手者視同膜外不加修補以致今年六月初二日風大水湧遂潰決塘工如此之多此朕訪聞最確者朕爲浙省海塘宵旰焦勞無時或釋且不惜多費帑金登斯民於衽席年來所降諭旨不下數十百次矣隆昇程元章汪瀝張坦麟皆朕特簡之大員委以防川之重任且訓諭諄諄望其實力奉行勉以和衷共濟豈料伊等私心蔽錮意見參差但分彼此之形全無公忠之念安有身在地方目覩隄岸空虛而不督率屬員先

事預防惡為修補者隆昇程元章汪濇張坦麟俱着交部嚴察議奏目今江南塘工告竣王柔着補授浙江海防兵備道速赴新任欽此

雍正十三年七月十九日內閣欽奉

上諭浙江海塘工程關係民生最為緊要朕宵旰焦勞不惜多費帑金為億萬生靈謀久遠又安之計所以告誡在事臣工者已至再至三矣不料經理諸臣各懷私意彼此參差以致乖戾之氣上干

天和有今年六月風浪潰隄之事今雖勉力搶修尚不知

能捍禦秋潮否至於建築石塘工程浩大若諸臣陋習不改仍似從前則大工何所倚賴朕再四思維大學士朱軾廉慎持躬昔曾巡撫浙江諳練塘工今雖年逾七旬精神不逮而董率指示似尚能爲朕以此詢問之伊自稱情願効力着由水路乘船前往令該部給與水程勘合並令沿途撥兵護送伊子朱必楷着隨伊父去朱軾到浙之日稽查指授總理大綱至一切工程事務仍着隆昇程元章汪滄張坦麟等照前辦理俱聽朱軾節制若大臣中有懷私齟齬者着朱軾據實叅奏朕必嚴

加處分若文武官員有營私作弊或怠玩因循者朱軾即行糾叅從重治罪朱軾未到之先所有應辦工程物料着隆昇程元章等上緊辦理毋得藉口等候欽差徘徊觀望以致稽遲欽此

雍正十三年八月初八日大學士朱軾面奉

上諭浙江海塘關係民生最為緊要因隆昇與程元章意見不合以致遲悞工程特差爾前往督率之隆昇等聽爾節制如何修築之處爾做過浙江巡撫自必諳練但工程浩大需用錢糧斷不可吝惜舊塘先須修築完

固以資捍禦切不可因塘身臨水那動尺寸那移一步
即衝塌一步何時是已至修建魚鱗大石塘乃一勞永
逸之計不可因塘外沙漲停止修築縱使沙漲數十百
里民人居處耕種亦不可恃必須大工完竣方可垂之
久遠於地方有益其石料夫工價值照時給發若扣剋
留難則利民之事反以病民如有此等情弊務嚴叅重
處毋得姑容欽此

今上皇帝

雍正十三年十月二十三日工部欽奉

上諭浙江修理海塘工程該督郝玉麟等奏增添捐納
條欵經九卿會議准行朕思捐納一事原爲一時權
宜無益於吏治並無益於國帑朕知之甚悉浙省增
捐之處不必行海塘工程着勳正項錢糧辦理欽此
雍正十三年十二月初八日大學士總理海塘事
務嵇曾筠敬籌海塘章程事宜奉

旨以上數條可謂措置咸宜朕實慶海疆得人從此永
永寧謐安瀾底績卿功可垂諸竹帛矣欽此

雍正十三年十二月二十一日總理事務王大臣

欽奉

上諭隆昇剛愎自用怙過不悛若仍留浙江於塘工無益着解任來京其副都統織造二缺候朕另降諭旨程元章身爲巡撫不能和衷共濟乃懷挾私心貽悞公事亦不應留於浙省着解任來京其巡撫印務即着大學士嵇曾筠兼管俾地方管轄與海塘工程併歸一手自無掣肘牽制之患張坦麟汪滢俱照司道例聽嵇曾筠節制委用隆昇所管關稅事務着嵇曾筠委員暫行管理嵇曾筠摺內所叅驍騎校常祿巡

檢黃國標蔣文暹通判葉齊俱着革職黃國標蔣文
暹葉齊仍着留工效力倘怠忽貼悞着嵇曾筠即行
嚴叅治罪江南總督趙宏恩駐劄江寧難以兼管河
務江南總河員缺着高斌補授其管理兩淮鹽政候
朕另降諭旨欽此

乾隆元年三月初五日工部欽奉

上諭朕聞浙江紹興府屬山陰會稽蕭山餘姚上虞五
縣有沿江沿海堤岸工程向係附近里民按照田畝
派費修築而地棍衙役於中包攬分肥用少報多甚

爲民累嗣經督臣李衛檄行府縣定議每畝捐錢二
文至五文不等合計五縣共捐錢二千九百六十餘
千計值銀三千餘兩民累較前減輕而胥吏等仍不
免有借端苛索之事朕以愛養百姓爲心欲使閭閻
毫無科擾着將按畝派錢之例即行停止其堤岸工
程遇有應修段落着地方大員委員確估於存公項
內動支銀兩興修報部核銷永著爲例特諭

乾隆元年六月二十一日欽奉

上諭朕聞濱海之鄉土地坍塌漲不常田無定址於是豪

強得恣侵占而爭端日興其責在地方有司熟悉土
宜按制定法弭釁於未然而平其爭於初發則可謂
良吏矣夫州縣有司非盡不知愛民者特以田土情
形未能稔悉不得不寄耳目於吏胥而猾吏奸胥又
往往與土豪交通變亂成法予奪任意弱肉強食爲
厲無窮獄訟繁興端由於此至若沿海新漲之沙鄰
邑互爭有司又各袒所屬益滋紛攘此皆徇私而未
識大體者朕以天下爲一家而州縣官各膺子民之
責亦當體朕之心以爲心又焉忍伸此屈彼長其奸

而導之攘奪哉前此海濱要地增設大員彈壓果其
秉公查看經理得宜應即令界址劃然各歸其產不
當遷延歲月仍假奸民之便而使窮黎久致失業也
夫奸豪不懲則無以安良善經界不正則無以杜爭
端該督撫應飭所屬親民之員毋以姑息怠緩從事
庶令民業各正而爭訟亦自是少息矣特諭

乾隆元年九月初九日欽奉

上諭今年伏秋交會之際南方雨多水勢甚大朕深爲
黃運海塘等處工程繫念昨據江南河道總督高斌

摺奏時過白露黃運湖河各處工程在在保護平穩
且毛城鋪北岸於六月間有天開引河一道不費人
力自然化險爲平人民莫不歡忭等語又據大學士
嵇曾筠摺奏今年伏秋海塘水勢雖大因先期修整
坦水建築土戩得以保護平安且江海形勢潮向南
趨海寧東西兩塘日夕漲沙將來易於施工比較上
年情形已不啻逕庭之別等語又據河東總河白鍾
山摺奏秋汛已過河東兩省南北兩岸一切堤壩工
程均屬穩固等語南北河工與浙江海塘關係國計

民生最爲緊要且當朕即位元年仰荷

神明默佑數處重大工程俱各循流順軌共慶安瀾朕心
不勝感慶理宜虔修祀典以答

神貺所有應行禮儀該部察例具奏此三處總理之大臣
督率地方在事各員殫心防護俱屬可嘉着分別議
敘具奏欽此

乾隆五十二年六月二十三日欽奉

上諭據浙江巡撫盧焯奏捐海寧表工壩工實係全塘
鎖鑰臣率同兵備道相

閱月而全工已竣此係跨海填築不比內地工程所
有承辦各員弁俱能實心實力克著勤勞謹分別等
次繕摺進呈可否仰懇天恩勅部議敘至悉心贊勸
稽覈錢糧工料之布政使張若震往來督工之按察
使完顏偉與督催運石之鹽驛道趙侖係大員未
敢列入等次相應聲明等語尖山壩工辦事人員俱
着照盧焯所請交部議敘至盧焯董率有方張若震
完顏偉趙侖數協辦盡力着一併議敘具奏欽此